

# TROGODIŠNJI PLAN RADA ODJELJENJA ZA JAVNU SIGURNOST ZA PERIOD 2024-2026. GODINU

## 1) Uvod (opšte napomene o trogodišnjem planu rada)

Odjeljenje za javnu sigurnost je izradilo Trogodišnji plan rada za period 2024-2026 godina u skladu s odredbama člana 32. stav (4) Zakona o budžetu Brčko distrikta BiH (Službeni glasnik Brčko distrikta BiH broj: 34/19 i 22/23) i člana 15. Pravilnika o sadržaju i metodologiji izrade, sistemu praćenja i nadzora provođenja strateških dokumenata i implementacionih dokumenata ( Službeni glasnik Brčko distrikta BiH broj: 46/20).

Planirane programe rada Odjeljenje za javnu sigurnost će realizovati u okviru svoje organizacione strukture koju čine: Služba zajedničkih poslova odjeljenja, Pododjeljnje za zaštitu i spašavanje i Pododjeljnje za izdavanje dozvola i ovlaštenja u građevinarstvu, ostalim granama privrede i fizičkim licima;

## 2) Osvrt na projekte i aktivnosti realizovane godišnjim planom rada za prethodnu kalendarsku godinu

Odjeljenje za javnu sigurnost je u 2022. godini realizovalo niz aktivnosti koje bi se mogle podvesti pod aktivnosti neke od mjera-programa iz Strategije razvoja Brčko distrikta BiH za period 2021.-2027. Kao posebne aktivnosti koje smo realizovali u 2022. godini izdajamo sljedeće:

Odsjek ZOP-a i spašavanja je obavljao tekuće radne zadatke koje se uglavnom odnose na: gašenje požara, intervencije u slučaju akcidentnih situacija, intervencije u slučaju auto nezgoda, tehničke intervencije i izvođenje dežurstava u slučaju održavanja sportskih, kulturnih i dr. manifestacija. Takođe, ovaj odsjek je ostvario i značajne aktivnosti u vidu obuke zaposlenika. Potom je vršena kontrola u zgradama za kolektivno stanovanje i službenim prostorijama pravnih lica.

Odsjek OiO i FTO vršilo je kontinuirano obezbjeđenje objekata u vlasništvu Brčko distrikta BiH i putem operativnog centra prikupljanju informacija.

Odsjek civilne zaštite je obavljao tekuće radne zadatke a koje se uglavnom odnose na: uklanjanju/uništavanju NUS-a i MES-a, sanaciju klizišta i deminiranje kontaminirane površine.

Pododjeljenje za izdavanje dozvola i ovlaštenja u građevinarstvu, ostalim granama privrede i fizičkim licima je u toku 2022 godine kontinuirano radi na rješavanju zahtjeva kako fizičkih tako i pravnih lica.

Služba zajedničkih poslova je radila na koordinaciji aktivnosti u odjeljenju, izrade pravnih akata, sprovođenja procedura nabavke, te izmirenja finansijskih obaveza odjeljenja. U Službi zajedničkih poslova se vrše analize utroška budžetskih sredstava kao i poslove finansijske kontrole.

## 3) Kratak opis ključnih usmjerenja trogodišnjeg plana rada i provedenog procesa konsultacija

Odjeljenje za javnu sigurnost u Strategiji za razvoj Brčko distrikta BiH za period 2021.-2027. godina prepoznat je kao institucija odgovorna za koordinaciju tri mjere.